

البديع العربي

أحمد عرابي

تسليم الروح

شعر

شعر

تسليم الروح

أحمد عرابي

أشعار بالعامية المصرية

نسيم الروح

أحمد عربي



نسيم الروح

اسم العمل: نسيم الروح
اسم المؤلف: أحمد عرابي
التصنيف الأدبي: أشعار بالعامية المصرية

رقم الإيداع: 2024 / 10172
الترقيم الدولي: 978-977-94-9179-0

تصميم الغلاف: منى شومان
إخراج فني: دار البديع العربي



نسيم الروح

الإهداء

إلى أبنائي ، النور الذي أضاء الله به حياتي

زياد .. سر و جمال الحياة

ياسين .. النور الذي يضيء الحياة

وإلى زوجتي ... أم الغوالي

أحمد عربي

نسيم الروح

نسيم الروح

نسيم الروح ..

لجمالها بيحنوا البشر
سموا كذا وصلوا
جمالها فوق عند القمر
إحنا ما نوصل له
لو كان العشق دا قدر
قولولي إيه حله؟
جبتله ألف طبيب
سكت وسلمه
قدره بإنه جميل
واجمل ما فيه سنه

نسيم الروح

بالمر رضيت عشانه

يا خلق إكمنه

مالوش مثيل ولا شيء

يشبه جمال ضله

جميل يا صنع الله

إبليس ما قدر يضلّه

خده يشفي العليل

وبوهبه عمري

وأنا يا دوب مسحور

مغلوب على أمري

قولولي إيه العمل

لو يوم رفض ودي

نسيم الروح

كتبت ميت موال
ودموعي على خدي
ربنا يشفي العليل
ويرد له عقله
حبيبي صافي وبرئ
والله ما فيش مثله
قلبه طيب أصيل
مين ف الجمال زيّه

* * * * *

نسيم الروح

ألبوم صور..

قاعد بفكر ف كل اللي فات
وأقلب في ألبوم الذكريات
وصورة حبييتي وريحة زمان
سنين ومرت كده من سكات

حبييتي و عمرى وعشق السنين
حبييتي حبييتي ونبع الحنين
يا طيف جميل في العين بيسري
وتمسح ف قلبي أهات الأنين

نسيم الروح

وحبي اتظلم من كثر الفراق
غبتي وغابت معاكي الأشواق
لساه حبيبك هنا ومشتاق
مستني تعودي، يعود الوفاق
يا دنيا قاسيه ومفرقه الأحباب
يا حب عايش ف قلبي و داب
ف قلبي الحنين و حبة حاجات
بدور عليكي ف عمري اللي فات
بحلم تعودي وتيجي بقى
حابس حبيبيتي دموع اللقا
لسه واخداني خطاوي لسكتك
عشان لما اشوفك يضيع الشقى

نسيم الروح

لسه العهد باقي لسه الوعد حر
لسه حبك في قلبي شريط يمر
ألبوم ذكريات مليون بحكايات
حاجات مريره وحاجات تسر

لسه حبيبك عايش وحيد
محافظ ع العهد بس شريد
خايف أموت انا ومن بعدك
أكون للحب مضحي وشهيد

حياتي وعمرى وكل اللي راح
وفرحي ف حزني تداوي الجراح
بنيتلك في قلبي مداين أمانى
وحبة أغاني و مساحة سماح

نسيم الروح

هاستناك في طلوع الشمس
هستناك وفي إيدي الورد
ما انت حبيب اليوم والأمس
كلي حنين ومشاعر ود

* * * * *

نسيم الروح

مش لاقى وصف ..

خلصت كل القصايد
مش لاقى وصف يجسدك
دورت ف كل المعاجم
مش لاقى كلمة توصفك

زي القمر ف ليل كماله
والنور معاكي زاد اكتماله
زي الشمس بعد الشتا
طيب جميل في حزن السما

نسيم الروح

وصفك فضا مالوش حدود
طبعك حقيقة بكل المعاني
دايما جميلة وسط الأسامي
المولي حارس المولي حامي

اسمك لوحدة أجمل قصيده
لوحداك جُملة جميلة ومفيدة
وصفك دا صعب على البشر
عطرك جميل بينا انتشر

يا جميلة قصرك عالي
قدام بيانه ألف حارس
واقفين قدام كل فارس
طالبين الرضا والسلام

نسيم الروح

نسيم القلب ...

عارفه حبيبتني

انّ شمس النهار

بتغير منك

وقمر السماء زيتها

مكسوف يشوف ضيك

عارفه انّ القدر

يكتب جمالك سطور

وأنا أكتبه م الشعر بحور

حبك قدر محتوم

وأنت أكيد زي القمر

نسيم الروح

أنت أول حب ليا

وفكرة سكناني

إنتي حلمي ونور عينيا

كلمة أحبك بتحبي وجداني

أهرب منك ازاي

وانت جوايا

ف قلبي أجمل أمنية

ونسمة طائره ف سمايا

فاق جمالك كل البشر

كلمة أحبك

قاموس مختصر

وأنا صابني سحرك

نسيم الروح

يا أميرة مجناني

إهديني برك

يا سفينه معدياني

إنتي البداية والنهاية

والحب ف محرابك

عبادة

يا قبلة العاشقين

لساني بعيش بحبك

العمر والسنين

لساني بهواكي

يا أجمل الألحان والأغاني

من وقت للتاني

نسيم الروح

لساني بنقش اسمك

بين الضلوع

من طلوع الفجر

لوقت الغروب

وبين مد وجزر

بين الحلم واليقين

الأرض تشهد بانك

بنت السما

محرمة

ونورك شمس

جميلة مش محرقة

بشوفك لؤلؤة مكنونة

في القلوب ميمونة

نسيم الروح

حبك وين ...

بكل لغات الدنيا بحبك

حبك في قلبي دين

العشق ف رحابك صلا

يشرح القلب الحزين

كل المشاعر ليكي عنوان

ورده وأجمل سوسنه

أدوب فيك وأعيش ولهان

يحميك المولي حبييتي انا

نسيم الروح

أفديكي وأموت ع الوعد
يا كعبة المشتاق
يا ست الكون ونوره
وف قلبي أغلي حبيبة

وفي حواشيا أعز و أغلى درة
يا حب العمر يا أجمل الألحان
يا ساكنه القلب وكل حواريه
يا كل الحب يا وردة البستان



نسيم الروح

إرجمعي ..

حبيبي مستنيك تجيني

حبيبي مستنيك تعود

إرجم تاني و حب سنيني

إرجم إضحك للورود

إفتكر مرة الليالي

تندهك علشان تعود

أفتكر حبي اللي كان

كنا بنغنيه أغاني

كنا نتمناه أماني

إفتكر لو حتي صوتي

نسيم الروح

أو سكوتي

أو لمسة إيدي لإيديك

يمكن تصحي فيا الحنين

الحنين و الحب علم ف الليالي

وف السنين

حبك حب صافي

حب دافي

هستناك في طلوع الشمس

وفي إيدي الورد

هستناك مع صوت الطير

لما يزقزق يجي الخير

هستناك لأنك مش أي حبيب

نسيم الروح

أجمل قلب ...

الأدان قالها و من فترة
ان انتي الحنان يا فاطنه
أنت الأمان وانتي الرحمه
و انتي في القلب أساس

أمل اليوم و هنا بكرة
صاينه الوصال والعشرة
جمال أصلي مش قشرة
للحب أجمل إحساس

نسيم الروح

جميلة فاق جمالك الكل
حبيبه بعيون حلوة تطل
ورد وياسمين عطر وفل
حبي وزينتي بين الناس



نسيم الروح

نوع م النساء ...

أنت نوع ثاني من البشر
فراشة تحضن ورق الشجر
ساعة نزول ماء المطر
حضانك أمان وقت الخطر

طفلة بتلعب وسط الزروع
وسط الخضار زي الشموع
زي الورد جميلة ونسمة هوا
زي الطيور على كل الفروع

نسيم الروح

أنت حبي حد العبادة
حبيبة روعي وزياده
لما أتوه في جمال عينكي
وأعيش العمر أدور عليك

أنت عمرى و ربيعي وشتاه
انت فرحي و حبي ومناه
أنت كل حاجة أرض وسما
أنت فرح و حزن و جرح و هنا



نسيم الروح

متي اللقاء..؟

إنت حبك وحده ما يكفيش
أنت قدرتي وقلبي ما ينساكيش
أنت فيا كل ما فيا قلب ورح
عاشق هواكي عشان اعيش

احنا في كل وقت أحبه
هنعدي الصعب حبه حبه
من بعد فراق وعتاب وهجر
هنلقى كفة الحب طبه

نسيم الروح

ما اقدرش بجد أعيش بعدك
ولا أقدر في يوم علي بعدك
مستني بكرة يجي واعاتبك
تايه حبيبي واتمنى وقربك



نسيم الروح

رحمائي ...

مين أنت وانت مين؟
أنت الحب والحب أنت
عينيك بحر تاهت فيه
سفينتي وشراعي
و فرحتي و أوجاعي
أنت المني وأنت الأمانى
وأنت حبي و عنوانى
بشوف معاكى ربيع
عمرى وشواته
بشوف الحزن وأذاه

نسيم الروح

وأعيش الفرح والمعاناه
لساني غريق في
بحر عينيكي
إرحمي قلبي اللي حبك
وما شافش غيرك
يا زهرة حبي وشبابي
بحبك بكل حالاتي
أنتي عمري الباقي
هيعدي بحلوه و مره
بحبك وراضي وقانع
وعلشانك كتبت أمانى
ويا ريتني أكون ف قلبك
مالي مكانى ؟

نسيم الروح

لحظة ميلاد ...

قبل الأذان وقبل الغروب
لحظة سعادة ولا هروب
من كل متاعب الحياة
من كل البشر والذنوب
من شمس جايه ومروحه
من ظلام ناصب سواده
ونهار زايد في عناده
ومخالف دايماف ميعاده
بين قربه وقساوة بعاده
مستتي لحظة ميلادي

نسيم الروح

مش عايز أشوف للحب عتاب
ولا حزن الليل على الأبواب
مستني عمرى وصباه
مستني فرحي مع الأحباب
ما بين شروق و بين غروب
مستني بكرة و بترجاه

* * * * *

نسيم الروح

إِعْتِرَافٌ ...

بحبك في السرِّ وف الجهر
عبرت عشانك بحرَّ ونهر
هيعيش حبِّك في قلبي
أيام و سنين بفخر
ما تقوليش إمتى وازاي
لكن قولي بحبِّك
وسبيت كل التقاليد
والأعراف
نعم بحبِّك وده إعتراف

نسيم الروح

و عينا لما تحضنك

و تشهد لك بالعفاف

وتشهد اني بحبك

واسألني قلبي

لما يقابل قلبك مره

ليه اتأخر بالاعتراف

* * * * *

نسيم الروح

وليه أحب؟؟

أنا رافض احب وادوب

أصل انا عارف الهوا

بيجرح في قلوب

ف لحظة وأنا في سابع سما

أنزل لسابع أرض

ويجرحني الحب

رافض أحب وأدوب

زي طير عاشق

للهورى بجنون

نسيم الروح

عارف ان الحب
إحساس مجنون
ف لحظة وبدون أسباب
يضيع الحب والأحباب
لا عايز أحب ولا اتحب
أنا رافض كل دروب الحب
ولا يوم تعشقني حوارها
ولا يوم أبني قصور فيها
أصل الهوي غلاب
مالوش دوا
قصوره طائيرة في الهوي
لا في يوم هتوصل سما
ولا يوم ترسي في مينا

نسيم الروح

الحب فيا إتكسر
ضل الطريق والأثر
حلم راح واندثر
ما سابش ف قلبي أثر

* * * * *

نسيم الروح

أنت القمر ...

أنت القمر في علاه
و أنت الجمال و مناه
فيك اللي داب بهواه
واللي ربنا هـداه

إنت شوقي و منتهاه
وم البداية انت الحياة
وفي النهايه طوق نـجاة
أنت مين للقلب قولي؟

نسيم الروح

يا حب العمر و سنينه
يا كل الشوق و حنينه
و وجع قلبي و آنيته
غايبه ليه أيام و شهور؟

حبك في قلبي نور
نور طريق مهجور
بقالوا أعوام و دهور

* * * * *

نسيم الروح

ملاحك ...

ملاحك بريئة حاضنه النيل
أرض وخضره ووش جميل
أنت غير كل بنات حوا
قلب طيب والطبع أصيل
وإحنا لا حول لينا ولا قوة
عشقنا الشط و البحر والنوه
كرمك زاد فينا برة وجوه
القصد واحد يا طوق نجاه
يا نعمة أنت يا رحمة م الأله

نسيم الروح

يا قلب طيب برئ زينا
يا ملامح فيها من ضينا
ملامح فيها غيظنا و قمحنا
بالحب حفظه عيشنا وملحنا

عشان انتي نعمه للزمن
عشان أنت غاليه بلا تمن
الشبه واحد يا بنت مصر
ف القلب أنت ميت نصر



نسيم الروح

خدر لك سكتة ...

أنا مش راحة معاك ف حتة
ولا جاية معاك في مكان
ياللا حبيبي كدا خدرلك سكة
ماعدشي لك ف قلبي مكان
روح وانسي أنا كلي جروح
روح وابعدي يا حبيب الروح
حياتي معاك وقفت على تكة
وقلبي نسيك كدا من زمان
روح وانسي حياتي خلاص
قلبي مات فيه الإخلاص

نسيم الروح

روح وانسي أنا كلي جروح
روح وأبعد يا حبيب الروح
قلبي اللي حبك أهو جفاك
اختار يبعد ولا يعيش معاك
أيوه هدوس ع قلبي وأبعد
أيوة هعيش وأقدر أنساك



نسيم الروح

ما بتروش...!

ما بتريش عليا أبدا
في ليل ولا ف نهار
سيباني ليه مختار
نفسني أقولك أسرار

واحكي يا قمر النهار
يا نجمة منورة في بحار
يا لؤلؤة ماليه محار
ردي وما تسينيش مختار

نسيم الروح

ردي وطفى لهيب النار
ردي وماتسبينيش أختار
ولا للنار حبيبي أختار
أنا الفارس أنا المختار



نسيم الروح

أسف ...

أسف جاي أعتذر بكبرياء
بحبك جدا يا ست النساء
أسف بعدد مطر السما
وبأسمى أحاسيس الشعراء

إلي ذات العيون الزرقاء
أكتب أسفي في سطور
جفت أقلامي م الحبور
إلي كيائك دا المسحور

نسيم الروح

أسف للدنيا وده حالها
أسف وأنت جمال أحوالها
تروح الدنيا وأحلامها
ومدام الحلم بيتحطم
ومدام الحلم بيتألم
هيضيع الحب وعذابه
والدمع النازل يتقسم
ويواسي مشاعر أحبابه
ولا هقدر ألومك يا حبيبي
لو راح الحب وعذبي
يكفيني إن أنت ف إحساسه
أسف وحبيبك مستني
هيموت ولا يقدر على بعدك

نسيم الروح

زمن غريب ...

السنين بتجرى بيا
والملاح هيا هيا
والقلوب ليه اتغيرت؟
اللي مني بعدو عني
تاهوا جوه حضن الزمن
والرخيص بقي له تمن
والزمن أصبح غريب
والغريب أصبح قريب
بتحاولوا ليه تكسروني
ليه حالفين تخسروني

نسيم الروح

كنت نوركم وسط عتمه
جايبين النهارده تبيعوني
أه يا دمع العين كفايا
ضاع معاهم كل منايا
اللي زيي إتباع رخيص
هلي يا سنين هوايا
حالفة ليه تاخدي مني
أهلي أصحابي وحبائبي
كل ضحكة وراها جرح
م الهموم تاهوا ف سني



نسيم الروح

بنت الريف ...

حبيبيتي أصل وصورة ما تخبىب
شمس فينا طالعه يوم ما تغيب
ف الدنيا حروف كثير ومعاني
أخلاقها أغاني وطبعها ما يعيب

معروف تاريخها ف كل عصر
العزه تاج راسها وقلبها قصر
م البدايه للنهايه اسمها جنه
حبيبيتي الأمينه بنت مصر

نسيم الروح

مصر اوية أصل وصورة ومعني
من أرض مصر النشأة والمعني
للناس ملاذ ومقصدها علم
وأجمل جميلة قلبها يساعنا

زي الربيع لما يكسي العيدان
زي الشتا لما يدق البيان
وهمس الحب ف الملكوت
زي الشمس ترمي دفاها أمان



نسيم الروح

دوقني الحب ...

دوقني شعرك يا شاعر
من نعمه الله يزيدك
و بكل أفعالك يا ساحر
سمعني نبضة وريدك

كل المعاني ف إيديك
زي الطبيب المداوي
والشعر بيسال عليك
عشمان يشوفك غناوي

نسيم الروح

برفضك ...

من كتر حبي ليك برفضك
أيوه هدوس ع قلبي واكرهك
على سنين ضيعتها ف الحب
وسنين ضيعتها في ودك
وخذ بعادك وخذ عنادك
سلام سلام من غير دموع
خلاص حبيبي مافيش رجوع
ولا بكى ولا أنين مسموع
ولا عتاب بجد حبيب لحبيب
ولا وعد تاني بلقي قريب

نسيم الروح

عشمان ف الرضا

أنا مين عشان أسامحك
غرقان في حبك بس
سكران القلب من عشقك
عشمان في رضاك وبس؟

حبك له أمارات يا كل مملكتي
عشقك له علامات للقلب ومملكتي
كل البشر عشقوا وكلهم سكروا
حبك كان عنيد توهني ف سكتي

نسيم الروح

مستني أقابلك ..

بحبك وعمرى ما حبيت قلبك
أنام الليل وأحلم أنول قلبك
كام سنة بعيد عنك شوفتها
كام سنة عشتها أحلم أقابلك

جايلك وبقولك سامحيني
حبيبتي بالخير افتكريني
لو طال الفراق بيني وبينك
مستني اشوفك و تواسيني

نسيم الروح

فات العمر ...

قالولي العمر ساعات
قلت عمري ما هنساكي
قالولي هتوه ف زحام الأيام
وتخذني دوامة الحياة
قلت في قلبي باقيه ذكراكي
سنين م العمر عشناها
ع الحلوة والمرّة مشيناها
أمانة يا دنيا
يا مجمعه الأحباب
من غير ميعاد

نسيم الروح

عشان نحب ونتحب
ونتعلم ونعلم من بعدنا ولاد
أمانه خلي حبل الوداد
واصل؟
قلبي الضعيف
ما يقدر يوم على بعد
الأحبه واصل

* * * * *

نسيم الروح

أبعد ...

مستني ايه تبعد ما تبعد
بلاش تعاتب بلاش تعاند
بلاش وعود كدابة
ليه كل الأحلام خداعه
عاوز تبعد وتروح
حبك مات خلاص
مالوش ف قلبي رجوع
من امتي اللي ماتوا
رجعوا
ومن أمته اللي حبوا شبعوا

نسيم الروح

نقطة وفصله ..

ما بين الماضي والحاضر

نقطة وفصله

وحياة ممتدة ما بين

فرحة ورقصة

وأيام عجيبة وقصص

وحوارات ناقصة

ناس مهمومة

ونفوس نيتها مش خالصة

محتاجه علاج

ما يكفيهاش مليون وصفة

دامت الدنيا لمين

أدينا عايشين بقالنا سنين

نفس الوجع نفس الأنين

نسيم الروح

علمي ...

كان ليا حلم و غرض
الحلم صبح كابوس
و الغرض صبح مرض
أفتوني في رؤياي
الكل ليه كأنه مخد
إمتلك السما والأرض
و الكل كأنه مثالي
جاي من عالم ثاني
دنيا غريبة ووخداني
م الكل عايش وخداني

نسيم الروح

كان نفسي أبقى عزيز
في دنيا حلوة وعجباني
للكل أبقى حبيب
والوفا عنواني

* * * * *

نسيم الروح

أعمار..!

أحنا مجرد أعمار وسنين بتمر
ورق بيطير يسقط بحلو ومر
ومش مستنين شتا وخريف
كان إيه عدي في حياتنا يسر

بالدقائق والثواني ترتيب إلهي
كلها ساعات محسوبة بتعدي
مهما كان مقصدي أو إتجاهي
ماشيين الطريق يجيبنا ويودي

نسيم الروح

فراق صديق ...

ف ليل الغربة ذكريات

وحكايات

عشناها ولا يمكن ننساها

عاشت فينا وعشنا فيها

تهنا فيها وتاهت فينا

ليلها قاسي مش بيحن

ونهارها يوماتي يئن

وأنا فيها لسه عايش

و في ليلها بغني

نسيم الروح

كان ليا فيها صديق
وكان ضلي
كان رفيق كان حبيب
كان قريب
ولا عمره كان غريب
كنا ف ليل الغربية
نسهر ونحكي
نضحك ونشكي
حتى لما كان بيبكي
كنت أبكي قبل منه
ولما يضحك أضحك
كنا أثنين إخوات
ع الصحبه رفاقه
ع اللقمة جماعه

نسيم الروح

كنا نحكي عن حباينا
ف بلدنا وحلمنا بعروسة
وبولادنا ونحكي
ع الشقي
والعمر اللي جري
بيننا
والزمن اللي ضيعنا
ومعلمناش
ولا اتعلمنا
منه حاجة إلا الصبر
والصحبه والسهر
والفكر والسمر
والنظر ل نور القمر ..
اللي ونس دنيتنا ..

نسيم الروح

كان بيحكي عن

حبيبته

وحلمه تبقى في يوم عروسته

والدبله والخاتم ف ايدها

ونظره واحده من عينيها

ولمسه دافيه من ايديها

كان بيصحي فيا

الحنين

وارجع ورا بالعمر سنين

كنت بحلم أبقى زيه

نفس نوره ونفس وضييه

وأحكي عن عروسة بطرحة

نسيم الروح

في عنيتها ساكنه الفرحة
وفي وسط ليل البرد
تحلى الحكاوي
قلبه كان مكان للحب
نضيف من كل كره
كان برئ زي الملائكه
ف زمن الغدر عنوانه
وفي وسط برد الشتا
وصوت المطر
وظلام الليل والخطر
كان أماني وقت خوفي
كانت روحه و عايشه فيا

نسيم الروح

نويناع الرحيل
انتهت الرحلة فجأة
خلاص ماعدش صبر
ووسط الزحمة
وفي ليل الغربية
اللي ما بيرحمش
راجعين لناسنا واهالينا ..
والخطر زاد و انتشر
وصوت البرق والمطر
وأصوات السفينه
وطفل من الخوف انفطر
قلبه خاف م الفراق

نسيم الروح

بتغرق سفينة الرجوع
نور بلدنا ف البر الثاني بعيد
صراخ و دموع
هموم وصوت وجع مسموع
ماتت ناسنا قدام عيننا
وسط حاله من الخوف
وبين السكوت
نظرات لرب الملكوت
الكل خايف م الموت
سكوت الكل محتاج
معجزة صاحبي غرق
وغرقت معاه الضحكة
ماتت البسمه ماتت الحياه
ضاع العمر من قبل ما

نسيم الروح

يتولد

لا شاف بنت ولا ولد

عاش غريب وفيها ضيف

مات الجدع ابن البلد

ماعدتش شايف غير

ملاح

غير قلب مسامح

ماعدتش شايف

منه إلا ضله وسكوته

وصورته وصوته

وضحكة صافية

زي الشمس ف جمالها

نسيم الروح

آه يا ليل الغربية مالك
ملت ليه ومال حالك
كان لسه بيحكي عن حبيته
وانتظرها
وانتصارها للحب
كان لسه معايا من دقائق
بنواجه كل الحقايق
بنحكي عن رحلتنا
وفرحتنا ورجوعنا
وعن أيام فقرنا وجوعنا..
أعمل إيه واقول يا مين
بعد ما نجيت من موج عالي
لبحر ما بيرحمش غالي
ليه يا بحر خدت الأحبه
فرقت الأحباب والصحاب

نسيم الروح

عمار يا بلدي

وعمار يا مصر أنت
يا جميلة يا حبيبتني
يا أرض الطيبين
يا عشقي يا أميرتي
يا ضحكة الصبايا
في الليل الحزين
بكرة الفرحة دعايا
صانك ربي المعين
حاضننا وبحنانك
وكل غريب وجالك
حبك كدا و عاش

نسيم الروح

عشق سحر جمالك
وقمرك الجميل
نيلك فيكي أصيل
نخلك طرحه عالي
علي العشاق بيميل
فيك قصور بحيطان
أسمك منقوش عليه
قلبك أخضر غيطان
معابدك علم ومنارة
أميرة ساكنه قصور
ب تاريخ مليون سطور
و كلام ف القلب يدور
مرسوم علي ألف مسلة

نسيم الروح

يا عروسة جميلة بطة
قاعده مستنيه حبيبها
جالها عدو ف غفلة
خادوه أسير جنودها



نسيم الروح

تعيشي يا مصر

ف حب مصر بكتب
واقول أجمل الأبيات
أنا مصر عندي
أجمل الكلمات
تبارك المولي خالقها
ذكرها ف الآيات
علاها ربي وسواها
أجمل الحلوات
نيلها يفيض ع الجانبين
مصر أقوى ما بين وبين

نسيم الروح

بين قلوب لناس بتحب
بين قلوب لناس عاشقين
أكتب جمالها ف كل شطر
ما يكفيهاش ولا الف سطر
دي عزيزة وف كل بيت
ف القلوب تعيشي يا مصر

* * * * *

نسيم الروح

مصر الحياة ...

مصر ميت مليون شهيد

مصر ميت مليون حياة

مصر ميت مليون سلامه

مصر ميت مليون نجاه

إحنا مصر احنا الحضارة

للأمم و الناس منارة

مصر معني للأصالة

و انتصار بعد انتصار

مصر صوت أحمد عرابي

منسي، طه معاه فريد

نسيم الروح

كل يوم جديد يجينا
يتولد مليون شهيد
مصر ميت مليون شهيد
مصر ميت مليون حياة
مصر عدل وخير وحب
و تاريخ مليون حضارة
عائشه جميلة ف كل قلب
والتراث للناس منارة
مصر ميت مليون شهيد
مصر ميت مليون حياة
مصر معني كلمة أصالة
مصر حلوة جميلة بينا

نسيم الروح

جيشها مصنع للرجال
ع الحدود واقف حامينا
مصر ميت مليون شهيد
مصر ميت مليون حياة
وأسألوا إدريس وموسى
والحبيب لقلوبنا عيسى
والعزيز لمصر يوسف
زدنا عفة ونور وجاه

* * * * *

نسيم الروح

زهرة البستان ..

أنت باقية يا مصر جايه
حلوه وسط الكون صبيه
عايشة حره ف كل قلب
زهرة في البستان ندية
ع الغزاه دايمًا قوية
وإنكسارك فكره غبية
ف الغربية حنين وحب
وفيك أسرار وسامية
بين شعوب الدنيا حيه
للكون منارة بدون أسيه
علم و عدل وخير وحب
وحبك ف قلوبنا غيه

نسيم الروح

صباحك خير ..

صباح الخير يا ست الكل
صباحك خير وورد وقل
صباح الخير يا محروسة
يا ست الدنيا يا عروسة
صباحك خير على العاشقين
على النايمين وع الصاحيين
وشوية شاي مع القهوة
جميلة العزة والنخوة
ع الضحكة ف وش فقير
وقلة مية جمبها زير

نسيم الروح

تروى الخلق الشقيانة
وتروى النفس العثمانة
صباحك خير وبزيادة
يا أم الدنيا يا قيادة
صباحك حب وخير
حبك ف قلبي عبادة



نسيم الروح

أعز وين ..

بحبك يا عمري حبك دا قدرى
وساكن جيناتى حبك دا فطري
حب فى يقينى بيرسم حنينى
بيجرى فى ويريدى بيعطر سنينى
بحبك يا عمري حبك فقلبي
على قد صبري أنى أشوفك
حبك وراثى ساكن فى رأسى
يا ضحكة سنينى ساقينى وراوينى
وحضنك أوينى أحن البيوت
وبعدك كاوينى دابحنى وهموت
فى نهاري وليلى بحبك بحبك
وحبك حبيبتى دا فارض شروط

نسيم الروح

بللوي ...

وكلمات الأغاني
يا بلادي ليك أمني
يا ضحكة كل عصر
ف الشدة إيدنا واحدة
يا قلوب مريضة وجادة
أفراحنا قلوب معاهده
بنحبك يا مصر تاني
ونعلي في المباني
يا قبلة قلبي السعيد
و كل يوم يجينا
يتحقق حلم بعيد
م الاقصر لبور سعيد

نسيم الروح

حبيبة وحبك غريزة
جميلة وغالية ولذيذة
يا بلادنا يا أعلى الألحان
ولك ف القلب ألف مكان



نسيم الروح

ليل ...

ليلك المحتوم سواده
أغبي من دود الغيطان
فقرك المقسوم عذابه
أحلي من نزوة شيطان
وجعك المكتوب عتابه
معايا بين كل الحيطان
جوايا بين قلبي و بابه
مشدود ع كل الخيطان
يسقيني المر و عذابه
وأعيش دائما غضبان

نسيم الروح

علمني الحق واسبابه
خلاني أكون إنسان
علمني الصبر وأصوله
فهمني معني الأمان
خدني م الفقر وغوله
حبيني ف دعا رحمان
قربلي حلمي واطوله
ف ليل طويل نعسان
نزرع الخير و نصونه
في زمن عويل بهتان
علمني الصدق كله
دوقني الدفى والحنان
وان الأمان يجي وضله
يشفى القلب م الحرمان

نسيم الروح

أماكن ...

وتحلي ريحة الأماكن
لو طالت بيا السنين
أماكن جوه قلبي
شوق ولهفة وحنين
وانده على عمر جاي
وأضحك على واد شقي
بيكي على عمر راح
ما بين فرح وانين
سنين راحت من عمري
وكام عهد واتفاق

نسيم الروح

أماكن غالية عندي
باعدني عنها الفراق
والحب ليها عايش
لسه القلب صبي
مستني تاني أشوفها
مستني و بالأشواق

* * * * *

نسيم الروح

بنحبك يا مصر

وبنحبك يا مصر بجد
ومهما تعملي فينا
نعيش رجال أسود الغد
ونحمي أرضينا
يا مصر دوبت أنا فيكى
و حبتيني ف حواريكى
أعيش العمر أناديلك
وأعيش على ضي قناديلك
يا مصر القلب أهو حبك
ودايب دوب بقي فيك

نسيم الروح

يا أرض الله يا حضننا
أمانة شيلينا ف عنيكي
ونعيش كرام على أرضك
نصلى بالوفا فرضك
يا حلمنا وكل أمانينا
بوستي تنام على خدك

* * * * *

نسيم الروح

كنت حبيبي ...

ليه غيرت فيا ملامحي
ليه كملت فيا الجرح
ابعد بقي الله يسامحك
نسيت وياك أيام الفرح
كنت ليلي وكنت ضلي
كنت قمري اللي فاضلي
كنت فرحي وقت جرحي
حاجه حلوه عايشه فيا
كنت حضن وعمري ثاني
غير اللي عشته الأولاني

نسيم الروح

كنت ليلي وكنت ضلي
كنت قمري اللي فاضلي
لساك بتعانند بغرورك
غيابك بقي زي حضورك
برضوا صفر ع الشمال
مر زمني واتغير الحال
كنت ليلي وكنت ضلي
كنت قمري اللي فاضلي
أيوه هنسي كل الملامح
هنسي ظلمك مش هسامح
هنسي إني في يوم ضعفت

نسيم الروح

وقلت أنك ورد طارح

كنت أيلى وكنت ضلي

كنت قمري اللي فاضلي



نسيم الروح

هي

سألوني عن ست النسا
قلت زي القمر ف المسا
زي الشمس لما تبعت نور
زي المطر تحيي أرض بور
سألوني عنها كثير ودا سر
قلت هيا الحياة لما تسر
والعبير اللي ف قلبي يمر
من غيرها أموت أدوق المر
ف العمر مين غيرها أصيل
هي طيف للحب جميل
هي نسمة هوى بتميل
هي العمر و مالهاش بديل

نسيم الروح

داری الوجع ..

داري فيك الوجع واسكت
وإبس قناع ب ميت وش
هتشوف كل البشر غير
أستحمل و قول معلش
تلاقي كام خاين وخسيس
تلاقي وقت الجد ما فيش
عيشها عادي و زي الأغبيا
كام أراجوز ب اتباع دراویش
داری الوجع واکتم أحاسيس
طبطب و داوي کل جريح

نسيم الروح

زمان عاش ف الجنه إبليس
إللي باع له مقام له ضريح
دارى الوجع حياتنا ما تسواش
وعد مني خده فورى وكاش
لو حبيت عمر ك كله ضاع ببلاش
ولا يوم تقول كنا قول ما كناش
العمر يا صاحبي مالوش مرتجع
فيه أخ و فيه صاحب جدع
و فيه الخسيس وفيه الجبان
وفيه الللي لبي الندى وسمع

نسيم الروح

كأني عايش

مخنوق من كل حاجه
م الدنيا واللي فيها
كفايه إني عايش
و مستحمل بلاويها
بتحمل بشر بتخون
بتلبس كل يوم وش
أصحاب و الطبع غدر
والقلب نادر حبه ندر
توهنا بين الوشوش
زمننا ماليان وحوش

نسيم الروح

مبادئ خلق حوش
ليه نبيع نخون نغش
لا في شفاعه ف موت
ولا محاله في رزق
وجودنا حبر ع ورق
عمر بينا جرى وانسرق

* * * * *

نسيم الروح

المحتويات

الإهداء	٣
نسيم الروح	٥
ألبوم صور	٨
مش لاقى وصف	١٢
نسيم القلب	١٤
حبك دين	١٨
إرجعي	٢٠
أجمل قلب	٢٢
نوع م النساء	٢٤
متي اللقاء ..؟	٢٦
رحماكي	٢٨
لحظة ميلاد	٣٠
إعتراف	٣٢
وليه أحب؟؟	٣٤

نسيم الروح

- أنت القمر ٣٧
- ملاحك ٣٩
- خد لك سكة ٤١
- ما بتردش! ٤٣
- آسف ٤٥
- زمن غريب ٤٧
- بنت الريف ٤٩
- دوقني الحب ٥١
- برفضك ٥٢
- عشمان ف الرضا ٥٣
- مستني أقبالك ٥٤
- فات العمر ٥٥
- أبعد ٥٧
- نقطة وفصله ٥٨
- حلمي ٥٩
- أعمار! ٦١
- فراق صديق ٦٢

نسيم الروح

- ٧١ عمار يا بلدي
- ٧٤ تعيشي يا مصر
- ٧٦ مصر الحياة
- ٧٩ زهرة البستان
- ٨٠ صباحك خير ..
- ٨٢ أعز دين ..
- ٨٣ بلادي ..
- ٨٥ ليل ..
- ٨٧ أماكن ..
- ٨٩ بنحبك يا مصر
- ٩١ كنت حبيبي ..
- ٩٤ هي ..
- ٩٥ دارى الوجد ..
- ٩٧ كأنني عايش ..

نسيم الروح




ranyhmtwlyblat@gmail.com

002-01061635162

002-01156655890

بكل لغات الدنيا بحبك
وحبك ف قلبي دين
العشيق ف رحابك صلا
يشرح القلب الحزين



كل المشاعر ليكي عنوان
ورده وأجمل سوسنه
أدوب فيك وأعيش ولهان
يحميك المولي حبييتي أنا

أفديكي واموت ع الوعد
يا كعبة المشتاق
ياست الكون ونوره
وف قلبي اغلي حبيبة.

أحمد عرابي

تصميم منى شومان



ranyhmtwlyblat@gmail.com
002-01061635162
002-01156655890